



ԾԵՄԱՐԱՆ
LYCEUM

ՄԻՋԻՆ ԴՊՐՈՑԻ ԵՎ ԱՎԱԳ ԴՊՐՈՑԻ ՅԵՂԻՆԱԿԱՅԻՆ ԾՐԱԳՐԻ ԸՆԴՈՒՆԵԼՈՒԹՅԱՆ ՔԱՂԱՔԱԿԱՆՈՒԹՅՈՒՆ

ՀԱՍՏԱՏՎԱԾ 19.03.2024





ԲՈՎԱՆԴԱԿՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ	3
2. ԸՆԴՈՒՆԵԼՈՒԹՅՈՒՆԸ ՊԵՏԱԿԱՆ ՀԱՄԱՖԻՆԱՆՍԱՎՈՐՄԱՄԲ ՏԵՂԵՐՈՒՄ	5
3. ԸՆԴՈՒՆԵԼՈՒԹՅՈՒՆԸ ՎՃԱՐՈՎԻ ՏԵՂԵՐՈՒՄ	5
4. ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐ (հունիս ամիս)	6
5. ԸՆԹԱՑԻՎ ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐ (առաջին կիսամյակի ավարտին՝ դեկտեմբեր ամիս)	7
6. ԸՆԴՈՒՆԵԼՈՒԹՅԱՆ ԳՈՐԾԸՆԹԱՑ	8
7. ԱՆՀՐԱԺԵՇՏ ՓԱՍՏԱԹՂԹԵՐ	9
8. ՊԱՅՄԱՆԱԳԻՐ	10
9. ՀԵՏԱԴԱՐՁ ԿԱՊ	10
10. ՀԱՎԵԼՎԱԾ	11



Հայաստանում Միջազգային բակալավրիատի (International Baccalaureate – IB) (այսուհետ՝ ՄԲ) նախադպրոցական-տարրական, միջին և ավագ տարիքային խմբերի ծրագրերով հավատարմագրված միակ հաստատությունը՝ «Շիրակացու ճեմարան» միջազգային գիտակրթական համալիրը (այսուհետ՝ ճեմարան), կատարում է մրցութային ընդունելություն Հայաստանի, Սփյուռքի և արտերկրի նախադպրոցական տարիքի երեխաների և հանրակրթական դպրոցների շնորհալի սովորողների համար՝ ՀՀ պետական և միջազգային ամենաբարձր չափանիշներին համապատասխանող բարձրակարգ և լիարժեք կրթություն ապահովելու նպատակով:

Ճեմարանի առաքելությունն է կերտել ազգային հենքի վրա ձևավորված համամարդկային արժեքներ կրող իսկական մտավորական և քաղաքացի:

2010թ.-ից Ճեմարանը «Ռատուղ Սքվեր» (Round Square) միջազգային դպրոցների համաշխարհային ասոցիացիայի լիիրավ անդամ է: 2008թ.-ից Ճեմարանը ԱՊՀ երկրների ՄԲ դպրոցների ասոցիացիայի լիիրավ անդամ է:

2013թ. Ճեմարանի մանկակրթարան-տարրական դպրոցը (այսուհետ՝ կրտսեր դպրոց), 2014թ.՝ միջին և ավագ դպրոցները հավատարմագրվել են ՄԲ համաշխարհային գրասենյակի կողմից:

1990թ.-ից Ճեմարանում իրականացվում է «Շնորհալի երեխաների բացահայտման, նրանց կրթության կազմակերպման և օժտվածության խնդիրների հետազոտման» հեղինակային կրթական ծրագիրը (հաստատված է ՀՀ կառավարության կողմից): 2014թ. նշված ծրագիրը ընդլայնվել և վերահաստատվել է ՀՀ ԿԳ նախարարության կողմից և ներկայումս լիարժեք ինտեգրում է ՀՀ պետական չափորոշիչի և ՄԲ համապատասխան տարիքային ծրագրերի պահանջները:

Բացի վերոնշյալից՝ ՀՀ կառավարության որոշմամբ արտոնվել է իրականացնել 11-12-րդ դասարաններում ՄԲ դիպլոմային ծրագիրը (ՄԲ ԴԾ, IB DP)՝ անգլերենով:

2010թ. «Մայքրոտեխ» ընկերության համաշխարհային գրասենյակի կողմից Ճեմարանը ճանաչվել է աշխարհի 56 ամենաառաջատար նորարար դպրոցներից մեկը:

1. Ճեմարանի բոլոր կառույցներում ուսուցումը կատարվում է վճարովի հիմունքներով, բացառությամբ 5-12-րդ դասարանների՝ համար սահմանված քանակությամբ մասնակի պետական սուբսիդավորմամբ (այսուհետ՝ պետական համաֆինանսավորում) տեղերի, որտեղ ուսուցումը համաֆինանսավորվում է ծնողի և պետության կողմից:

2. Ճեմարանի կրթական կառույցներն են.

2.1. **մանկակրթարան** (3- 5 տարեկաններ)

2.2. **կրտսեր դպրոց** (1- 4-րդ դասարաններ)

2.3. **միջին դպրոց** (5-10-րդ դասարաններ)

10-րդ դասարանում ուսուցումը կազմակերպվում է չորս հոսքերով (հումանիտար, բնագիտական, տնտեսագիտական, ֆիզմաթ):

2.4. **ավագ դպրոց** (11-12-րդ դասարաններ).

11-12-րդ դասարաններում ուսուցումը կազմակերպվում է առարկաների լայն ընտրությամբ տարբերակված հոսքերով և/կամ ՄԲԴԾ ծրագրով՝ անգլերենով:



3. Սովորողների հաշվարկային թիվը կրտսեր դպրոցի խմբերում սահմանվում է առավելագույնը 15, միջին և ավագ դպրոցների խմբերում՝ առավելագույնը 18: Ուսումնադաստիարակչական գործընթացը կազմակերպվում է երկարացված օրվա աշխատակարգով: Սովորողներն ապահովվում են սննդով՝ ըստ հաստատված սննդակարգի: Անհրաժեշտության դեպքում՝ կարող է տրամադրվել հանրակացարան: Բոլոր սովորողների տեղափոխումը կատարվում է Ճեմարանի կողմից՝ **հատուկ տրանսպորտային միջոցներով, իսկ մանկակրթարանում և կրտսեր դպրոցում՝ համապատասխան մանկավարժների ուղեկցությամբ:**



1. ԸՆԴՈՒՆԵԼՈՒԹՅՈՒՆԸ ՊԵՏԱԿԱՆ ՀԱՄԱՖԻՆԱՆՍԱՎՈՐՄԱՄԲ ՏԵՂԵՐՈՒՄ

1.1 Ճեմարանի պետական համաֆինանսավորմամբ տեղերում ընդունելությունը կազմակերպվում է հունիսին՝ յուրաքանչյուր ուսումնական տարվա սեպտեմբեր ամսվա համար:

ա) 8-րդ դասարանում (30 տեղ)

բ) 10-րդ դասարանում (մինչև 5 տեղ)

գ) Առանձնահատուկ ընդունակություններ դրսևորած, այդ թվում՝

հանրապետական օլիմպիադաներում 1-ին, 2-րդ կամ 3-րդ կարգի մրցանակների արժանացած սովորողները կարող են ընդունվել Ճեմարանի համապատասխան դասարանի պետական համաֆինանսավորմամբ տեղերում, ընդունելության քննությունների դրական արդյունքների հիման վրա՝ առանց մրցույթի, ամբողջ տարվա ընթացքում թափուր տեղերի առկայության դեպքում:

դ) Համաֆինանսավորմամբ տեղերի մրցույթին մասնակցելու իրավունք ունեն ՀՀ քաղաքացիները և երկրադաքացիները՝ համաձայն 2024թ. փետրվարի 21-ի պետական սուբսիդիայի պայմանագրով սահմանված (համաֆինանսավորմամբ) և առանց պետական սուբսիդիայի (վճարովի) տեղերի համալրման կարգի:

2. ԸՆԴՈՒՆԵԼՈՒԹՅՈՒՆԸ ՎՃԱՐՈՎԻ ՏԵՂԵՐՈՒՄ

2.1 Միջին դպրոցի ու ավագ դպրոցի հեղինակային ծրագրի վճարովի տեղերում ընդունելությունն իրականացվում է մրցութային հիմունքներով՝ առաջին կամ երկրորդ կիսամյակի համար հունիս կամ դեկտեմբեր ամիսներին՝ թափուր տեղերի առկայության դեպքում:

2.2 Արտասահմանյան երկրների աշակերտների ընդունելությունը բոլոր դասարաններում կազմակերպվում է շուրջտարյա, եթե

2.2.1 հիմնական ընդունելության ավարտից հետո համապատասխան տարիքային խմբերում առկա են թափուր տեղեր,

2.2.2 Ճեմարանում առկա են բավարար ռեսուրսներ սովորողի կարիքներին համապատասխան կրթություն կազմակերպելու համար,

2.2.3 սանը հաջողությամբ հաղթահարում է ընդունելության քննությունները և հարցազրույցները, ընդ որում՝ հայոց լեզվին բավարար չափով չտիրապետող սանի ընդունելության գործընթացը կարող է կազմակերպվել օտար լեզվով: Լեզվական խնդիրների պատճառով խմբային ուսուցում կազմակերպելու անհնարինության դեպքում սովորողի կրթությունը կարող է կազմակերպվել անհատական եղանակով, մինչև ինտենսիվ ուսուցմամբ հայոց լեզվի իմացության անհրաժեշտ տիրապետման հասնելը:

2.2.4 Առաջնահերթությունը տրվում է արտերկրում դիվանագիտական ծառայությունից վերադարձող ընտանիքների երեխաներին:

2.3 Վճարովի տեղերում սովորողների համար կարող են սահմանվել կրթաթոշակներ՝ համաձայն *28 ապրիլի 2021թ. Ճեմարանի կողմից ընդունված Կրթաթոշակների տրամադրման կարգի՝ ուսման վարձի նվազեցման տեսքով:*



3. ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐ (ՀՈՒՆԻՍ ԱՄԻՍ)

Դիմորդները հանձնում են գրավոր քննություններ հետևյալ առարկաներից՝

Քննության կարգավիճակը	5-8-րդ դասարաններ	9-րդ դասարան	10-12-րդ դասարաններ
Մրցութային	Մայրենի (5-6-րդ դասարաններ) Հայոց լեզու (7-8-րդ դասարաններ)	Հայոց լեզու	
	Մաթեմատիկա	Մաթեմատիկա (հանրահաշիվ և երկրաչափություն)	<p><i><u>Բնագիտական և ֆիզմաթ հոսքեր ընտրելու դեպքում՝</u></i></p> <p><i><u>Բնագիտական առարկաներ</u></i> (քննաթերթիկը ներառում է հարցեր քիմիա, ֆիզիկա և կենսաբանություն առարկաներից)</p> <p><i><u>Հումանիտար հոսք, արվեստի հոսք (միայն 11, 12-րդ դասարաններ) ընտրելու դեպքում՝</u></i></p> <p><i><u>Հասարակագիտական առարկաներ</u></i> (քննաթերթիկը ներառում է հարցեր հասարակագիտություն, հայոց պատմություն և համաշխարհային պատմություն առարկաներից)</p> <p><i><u>Տնտեսագիտական հոսք ընտրելու դեպքում՝</u></i> Բնագիտական կամ հասարակագիտական առարկաներ (դիմորդի ընտրությամբ)</p>
Ոչ մրցութային	Օտար լեզու՝ ռուսերեն	Օտար լեզու՝ ռուսերեն	
	Օտար լեզու՝ անգլերեն, ֆրանսերեն, գերմաներեն, իսպաներեն, պարսկերեն՝ դիմորդի ընտրությամբ		



4. ԸՆԹԱՑԻԿ ԸՆԴՈՒՆԵԼՈՒԹՅԱՆ ՔՆՆՈՒԹՅՈՒՆՆԵՐ (ԱՌԱՋԻՆ ԿԻՍԱՄՅԱԿԻ ԱՎԱՐՏԻՆ՝
ԴԵԿՏԵՄԲԵՐ ԱՄԻՍ)

Դիմորդները հանձնում են գրավոր քննություններ հետևյալ առարկաներից՝

Քննության կարգավիճակը	5-7-րդ դասարաններ	8-րդ դասարան	9-րդ դասարան	10-12-րդ դասարաններ
Մրցութային	Մայրենի (5-6-րդ դասարաններ) Հայոց լեզու (7-րդ դասարան)	Հայոց լեզու		Հայոց լեզու
	Մաթեմատիկա	Մաթեմատիկա	Մաթեմատիկա (հանրահաշիվ և երկրաչափություն)	
		Բնագիտական առարկաներ մեկ քննությամբ (քննաթերթիկը ներառում է հարցեր <i>քիմիա, ֆիզիկա և կենսաբանություն առարկաներից</i>)	<p><i>Բնագիտական և ֆիզմաթ հոսքեր ընտրելու դեպքում՝</i> Բնագիտական առարկաներ (քննաթերթիկը ներառում է հարցեր քիմիա, ֆիզիկա և կենսաբանություն առարկաներից)</p> <p><i>Հումանիտար հոսք, արվեստի հոսք (միայն 11,12-րդ դասարաններ) ընտրելու դեպքում՝</i> Հասարակագիտական առարկաներ (քննաթերթիկը ներառում է հարցեր հասարակագիտություն, հայոց պատմություն և համաշխարհային պատմություն առարկաներից)</p> <p><i>Տնտեսագիտական հոսք ընտրելու դեպքում՝</i> Բնագիտական կամ հասարակագիտական առարկաներ (դիմորդի ընտրությամբ)</p>	
Ոչ մրցութային	Օտար լեզու՝ ռուսերեն			
	Օտար լեզու՝ անգլերեն, ֆրանսերեն, գերմաներեն, իսպաներեն, պարսկերեն՝ դիմորդի ընտրությամբ			



5. ԸՆԴՈՒՆԵԼՈՒԹՅԱՆ ԳՈՐԾԸՆԹԱՑ

Ընդունելության գործընթացի կազմակերպման հիմնական դրույթներն են.

- 5.1 Բոլոր քննությունները կազմակերպվում են առկա ձևաչափով:
- 5.2 Քննական աշխատանքների արդյունքների ամփոփման համար կիրառվում է 200 միավորանոց համակարգ («0.1»-ից մինչև «20.0» միավոր՝ 0,1 սանդղակով)՝ սահմանելով նվազագույն դրական գնահատականը «8.0» միավոր:
- 5.3 Բոլոր քննություններն անցկացվում են ըստ հանրակրթական դպրոցների համապատասխան դասարանների առարկայական ծրագրերի պահանջների:
- 5.4 Մրցույթն անցկացվում է բոլոր քննությունները դրական գնահատականներով հանձնած սովորողների միջև՝ մրցութային քննություններից ստացած միավորների գումարի հիման վրա:
- 5.5 Համաֆինանսավորմամբ տեղերի համար մրցույթից դուրս մնացած դիմորդները նույն գնահատականներով կարող են մասնակցել համապատասխան դասարանի վճարովի տեղերի մրցույթին՝ թափուր տեղերի առկայության դեպքում: Ճեմարանի վճարովի տեղերում սովորողները հետագայում կարող են տեղափոխվել պետական համաֆինանսավորմամբ տեղեր՝ համաձայն *21 փետրվարի 2024թ. Ճեմարանի կողմից ընդունված Պետական ֆինանսավորմամբ և վճարովի տեղերի համալրման կարգի:*
- 5.6 Հավասար միավորների դեպքում նախապատվությունը տրվում է ըստ ստորև ներկայացված հերթականության.
 - ա) ոչ մրցութային քննություններից առավելագույն գումարային միավորներ ստացած դիմորդներին,
 - բ) Ճեմարանի կիրակնօրյա նախապատրաստական դպրոցի սաներին,
 - գ) Ճեմարանի միջին/ավագ դպրոցի համապատասխան դասարանն ավարտած սաներին:
- 5.7 Բոլոր դիմորդները քննություններից առաջ անցնում են թեստավորում հոգեբանական ծառայությունում: Թեստավորման ժամկետները նշանակում է դիմումներն ընդունող և գրանցող խումբը:
- 5.8 Ընդունելության դիմում-հայտերն ընդունվում են մայիս ամսին, իսկ քննություններն անցկացվում են հունիս ամսին: Առաջին կիսամյակի ավարտին կազմակերպվող ընթացիկ ընդունելության դիմում-հայտերն ընդունվում են դեկտեմբերի սկզբին, իսկ քննություններն անց են կացվում դեկտեմբերի վերջին: Ժամկետները յուրաքանչյուր ուսումնական տարվա համար հրապարակվում են կայքում:
- 5.9 5-11-րդ դասարանի դիմորդները, որոնք ընդունելության բոլոր քննություններից ստացել են դրական գնահատականներ և Ընդունող հանձնաժողովի կողմից երաշխավորվել են ընդունվելու համապատասխան դասարան, հրավիրվում են հարցազրույցի, որի նպատակը սովորողի հետ նախնական ծանոթացումն է, ինչը նպաստում է խմբերի բաշխման, սովորողի հետ հետագա աշխատանքների արդյունավետ կազմակերպման գործընթացներին:
- 5.10 Հունիսին կայացած ընդունելության մասին որոշումը հրապարակվում է մինչև հուլիսի 10-ը, իսկ դեկտեմբերին կայացած ընդունելության մասին որոշումը՝ մինչև փետրվարի 10-ը www.shirakatsy.am կայքում:



5.11 Ավագ դպրոցի Դիպլոմային ծրագրից Հեղինակային ծրագիր փոխադրումն իրականացվում է ծնողի՝ կրթահամալիրի տնօրենին ուղղված դիմումի համաձայն, որում նշվում են ՀԾ-ում նախընտրած հոսքը և խորացված ուսուցմամբ առարկաները:

ա) Փոխադրումն իրականացվում է խորացված ուսուցմամբ առարկաներից գիտելիքը ստուգող աշխատանքի դրական արդյունքի դեպքում:

բ) Եթե ուսանողը փոխադրվում է կիսամյակի ընթացքում, ապա համապատասխանեցվում են ԴԾ և ՀԾ-ում ուսումնասիրված առարկայական ծրագրերը և գնահատման սկզբունքները:

գ) Հենքային ուսուցմամբ ուսումնասիրվող առարկայական ծրագրերի անհամապատասխանության դեպքում բաց թողնված ուսումնական նյութի լրացումն իրականացվում է ամբիոնային հերթապահությունների ընթացքում, անհատական հանձնարարությունների միջոցով: Ծնողի դիմումի հիման վրա կարող են կազմակերպվել նաև լրացուցիչ պարապմունքներ:

5.12 Ցածր առաջադիմության պատճառով ճեմարանից դուրս մնացած սովորողները կրկին կարող են դիմել ճեմարան ընդունվելու համար առնվազն մեկ կիսամյակ այլ ուսումնական հաստատությունում սովորելուց հետո:

6. ԱՆՀՐԱԺԵՇՏ ՓԱՍՏԱԹՂԹԵՐ

Ընդունելությանը մասնակցելու համար անհրաժեշտ է առցանց ներկայացնել հետևյալ փաստաթղթերը՝

➤ դիմում-հայտ (այն կարող եք լրացնել անցնելով հետևյալ [հղումով](https://shirakatsy.am/forms) <https://shirakatsy.am/forms>),

➤ քննավարձի կտրոն,

**Դիմում-հայտերի ընդունման և ընդունելության գործընթացին մասնակցելու համար սահմանվում է 15000 ՀՀ դրամ միանվագ վճար (քննավարձ), որը վերադարձման ենթակա չէ: Քննավարձն անհրաժեշտ է փոխանցել Ամիո Բանկի տվյալ հաշվեհամարին՝ [1150003768028007](https://shirakatsy.am/forms):*

***Քննավարձից ազատվում են երկկողմանի ծնողագուրկ, զոհված ազատամարտիկների, բազմազգական (5 և ավելի երեխա ունեցող) ընտանիքների երեխաները, իսկ այլ դեպքերում՝ Ընդունող հանձնաժողովի որոշմամբ:*

➤ դիմորդի անձնագրի պատճեն, չունենալու դեպքում՝ ծննդյան վկայական,

➤ դիմորդի հանրային ծառայության համարանիշ (ՀԾՀ) կամ ՀԾՀ չունենալու մասին տեղեկանք,

➤ դիմորդի լուսանկար (3x4 չափսի),

➤ սանի նվաճու երի վերաբերյալ տեղեկատվություն:

Մյուս անհրաժեշտ փաստաթղթերը ենթակա են պարտադիր ներկայացման ընդունվելուց հետո՝ պայմանագիր կնքելուց առաջ: Այդ փաստաթղթերն են՝



- տեղեկանք դիմորդի բնակավայրից,
- տեղեկանք դիմորդի առաջադիմության մասին,
- քաղվածք դիմորդի ամբուլատոր քարտից կամ տեղեկանք առողջության մասին (026 ձև, առկայության դեպքում), արտերկրից դիմորդների դեպքում՝ բժշկական ապահովագրություն ուսումնառության ժամանակահատվածի համար:

7. ՊԱՅՄԱՆԱԳԻՐ

Մրցույթով անցած սաները համարվում են ընդունված սահմանված ժամկետներում ծնողների (կամ նրանց փոխարինող անձանց) հետ համապատասխան կրթական ծրագրի իրականացման պայմանագիր կնքելուց և հրամանագրվելուց հետո:

8. ՀԵՏԱԴԱՐՁ ԿԱՊ

Հասցե՝ ք. Երևան, Նոր Նորքի 5-րդ զանգված, Արտեմ Միկոյան փողոց, 35

Հեռ.՝ +374 10 68 01 02, +374 44 64 01 26

Էլ. հասցե՝ info@shirakatsy.am, admissionoffice@shirakatsy.am



ՀԱՎԵԼՎԱԾ

1. Ճեմարանում ընդունելության գործընթացը համակարգվում է Ճեմարանի տնօրենի հրամանով կազմավորված ընդունող հանձնաժողովի կողմից (Ընդունող հանձնաժողով):
2. Սահմանված ժամկետից դուրս ներկայացված դիմում-հայտերին ընթացք տալու որոշումը կայացնում է Ընդունող հանձնաժողովը՝ առանձին դեպքերում:
3. Ընդունելությանն առնչվող բոլոր չնախատեսված հարցերը վճռում է Ընդունող հանձնաժողովը:
4. Փաստաթղթերի էլեկտրոնային պատճենները ներբեռնվում են դիմումների առցանց գրանցման համակարգում ([հղումը](#) տեղադրված է Ճեմարանի պաշտոնական կայքում): Դիմումը համարվում է վավեր, եթե ներբեռնված են դիմումների առցանց գրանցման համակարգում աստղանիշով (*) նշված բոլոր փաստաթղթերը, իսկ ոչ աստղանիշով թվարկված փաստաթղթերը ենթակա են պարտադիր ներկայացման ընդունվելուց հետո՝ պայմանագիր կնքելուց առաջ:
****Ուշադրություն. Դիմում-հայտը լրացնելուց հետո համակարգը ավտոմատ կերպով հայտում նշված էլ. հասցեին նամակ է ուղարկում՝ դիմումը հաջողությամբ ընդունվելու մասին:***
5. Սույն փաստաթղթով նախատեսված ժամկետները, ինչպես նաև այլ կարգավորումները կարող են փոխվել ըստ անհրաժեշտության: Փոփոխություններ լինելու դեպքում դրանք կհրապարակվեն www.shirakatsy.am կայքում: